



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 17. Obsidio per Achmetem Bassam Mustaphæ subrogatum continuata.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæcul. XVI lites quoque ad pugnandum impotes fo-
A. C. 1522. rent, ipseque supremus Ordinis Magi-
 ster omni ope & opera destitutus in ex-
 tremo discrimine luctaretur. Accessere etiam literæ ab Amaralo Cancellario scriptæ, quibus obseffos ad incitas omnino redactos esse, Sultano significabat. Hujus rei fama toto exercitu divulgata, Turcarum animos prædæ spe ad redintegrandam oppugnationem alacres reddidit, ipse quoque Solimanus aut urbem in suam potestatem redigere, aut ibidem mori decrevit, moxque Achmetem Bassam in locum Mustaphæ, qui in Ægypti Præfectum creatus illic navigavit, summum totius exercitus Imperatorem constituit.

§. XVII.

Obsidio per Achmetem Bassam Mustaphæ subrogatum continuata.

Jacq. de Borb. l. c. Fontan. hist. belli Rhod.

Achmetes, cum operum bellicorum scientia clarissimus esset, longe alio, quam Mustapha obsidionem urgendi modo utebatur: ut vero suorum militum sanguini parceret, in fossorum opera, ac cuniculis consilium quærens, ante obsidionales fossas densum aggestæ terræ murum erigi jubebat, quem tormentorum globi ex urbe emissi impune ferirent,

rent, quo facto milites sui tentato assul- **Sæcul. XVI.**
tu usque ad dejecti muri hiatum pene- **A.C. 1522.**
trarunt, sed novis, quæ tormentis mu-
niebantur, propugnaculis mox inde re-
pulsi sunt, ipso Martinengo architecto
militari in uno oculorum vulnerato.
Post hæc nulla præteribat dies, quæ no-
vo certamine insignis non esset, ac inso-
litæ fortitudinis specimina utrinque e-
dita non videret. Interea triginta qua-
tuor dies Martinengus ex vulnere de-
cumbebat, quo toto temporis interval-
lo supremus Magister in quodam mu-
nimento hæsit, nec inde pedem movens,
dies noctesque infomnes traxit, cujus
exemplo ceteri quoque Equites anima-
ti singulis diebus vitam suam extremo
discrimini exponebant, cum interim A-
maralus nil intentatum inausumque re-
linqueret, ut Rhodi ruinam accelera-
ret, totiusque Ordinis excidium pro-
moveret.

§. XVIII.

*Amarali proditio detecta, ac
multata.*

Tandem vero detecta est Amarali per- **Jacq. Borb.**
fidia; jam enim a longo tempore **l. cit.**
animadvertentibus plures, quod Cancel- **Bosius hist.**
larii servus nomine Blasius Diez, circa **l. 20.**
meridiem cum arcu ad mænia conten-
deret.